


BILBO

Lehen aldiz neska batek zuzenduko dau Musika Bandea, domekan

Erredakzinoa

Maite Aurrekoetxeak zuzenduko dau datorren domekan —hilak 1— Bilbo-ko Udal Musika Bandea, Arenalean, 12:00etan. Bandearen historian, emakume batek zuzenduko dauen lehen aldia da.

Aurrekoetxea Bilbon jaio zan, 1971n, eta nahiz eta gaztea izan, curriculum zabala dauka. Bilbo-ko Kontserbatorioan hasi zituan ikasketak eta akordeoiko goi mailako titulua eta piano zein biola jotzen daki. Ondoren, Konposizio eta Instrumentalizacion Musikalaren ikasketak egin zituen Gasteizen, Karmelo Bernaola eta Antonio Lauzirikagaz eta Musika Elektroakustikoa-renak Alfonso G. de la Torregaz. Abesbatzak zuzendu ditu, Jesus Guridi Orkestrea be bai, talde instrumentaletarako obrak sortu ditu; eta gaur egun, Bergarako Orkestra Sinfonikoaren zuzendaria da.



MARISOL RAMIREZ / ARGAZKI PRESS

AURKEZPENA. Joseba Agirreazkuenaga, 'Bilbao desde sus alcaldes' liburua eskuetan daukala. Agirreazkuenagak berak eta Susana Serranok egin dabe liburua eta 1836tik 1901era bitartean Bilbon egon ziran alkateak batzen ditu.

Izaskun Basterretxea

1836. urtea esanguratsua izan zan: Lehenengo Karlistadearen ostea eta udal-letako legea indarrean sartzen hasi zan garaia», azaldu eban atzo Joseba Agirreazkuenagak, eta, batez be, horregaitik hasten da 1836an *Bilbao desde sus alcaldes* liburua. 1836tik 1901era bitartean Bilbon egon ziran alkateen agintaldia deskribetan dau, eta Agirreazkuenagak eta Susana Serranok egin dabe liburua. Historia Garaikideko katedraduna da EHUn Agirreazkuenaga, eta Geografia eta Historian doktora, Serrano.

«Liburu hau ez da inprobisautu edo bat-batean egin, ikerketa beharraren ondorioa da», nabarmendu eban Agirreazkuenagak, atzo, liburuaren aurkezpenean, Bilboko Bidebarrieta liburutegian. «Helburua da XIX. mendeko Bilboko historia aztertzea. Aldaketa garaia izan zan: iraultza liberalaren eta industrialaren garaia», azaldu eban Agirreazkuenagak.

1836tik 1901era bitartean Bilbon egon ziran 41 alkateen biografiek eta Udal gestinoek osotzen dabe liburuaren bizkarre-

1836tik 1901era Bilbo, alkateen bitartez

LIBURU AURKEZPENA. 'Bilbao desde sus alcaldes' liburua egin dabe Joseba Agirreazkuenagak eta Susana Serranok

zurra. Kronologiaren arabera eta banan-banan agertzen da alkate bakotxaren ganeko informazioa. Hori dala eta, batez be hiztegi biografikoa dala azpimarratu eban Agirreazkuenagak: «Batik bat konsultarako da, hainbat datu agertzen dirako; eta horregaitik adibidez,

ikastetxeetan eukiteko da batez be aukerakoa».

Dana dala, liburu hasieran, 80 bat orrialdeko sarrera orokorra agertzen da. Joseba Agirreazkuenagak egin dau eta orduko garaia-aren aurkezpen zabala egin dau. «Merkataritzako uri txikia izatetik uri kosmopolita-

goa izatera igaro zan Bilbo; izan be, aldaketa asko sortu ziran 1836tik 1901era bitartean, eta detaile edo bitxikeria asko agertzen da liburuan: esate baterako, alkateak aukeratzeko modua berezia zan, 150 inguru aurkeztzen ziran, danak gizonezkoak, gehienak bertako burgesiakoak eta botere taldeetakoak ziran...».

Ezaugarriaren bat, alkate guztiek daukiela azpimarratu eban Agirreazkuenagak; eta orduan be, gaur eguneko moduan, eztabaidak izaten zituela. «Bilbo-ko Zabalgunearen diseinatzaile nagusia, adibidez, Pablo Alzola izan zan; Felix Agirre izan zan gizonezkoen sufragio unibertsalaren —emakumeek ezin eban botorik emon— bitartez aukeratu eban lehenengo alkatea Bilbon...». Ilustrazioak be agertzen dira, zuri baltzean.

Atzo aurkeztu eban liburu-eta atzotik dago liburutegietan salgai, 21 eurotan. Bilboko Udaleko Kultura eta Turismo Sailak kaleratu dau liburu-eta, eta bilduma baten lehenengo alea dala nabarmendu eban. Hurrengo aleak 1901aren ostean izandako alkateak batuko ditu, baina oraindino ez dakie noizko egingo daben liburu hori.

CB CANAL BIZKAIA
Bizkaiko Telebista

AZAROA 27 ASTEASKENA

07:40 DOCUMENTAL:
"Vete Enterándote"
08:05 TRANSFORMERS
08:30 BIZKAIA GOIZEAN
10:00 MAGACÍN:
"QUEDAMOS A LAS 7" (R)
11:00 MAGACÍN: "TAQUICARDIA"
11:30 SERIE: (Cap 53)
"Entre dos fuegos"
12:00 TELENÓVELA: (Cap 51)
"LA INTRUSA"
13:00 ELLA JARDÍN
13:30 LA COCINA DE LOCALIA
14:00 BIZKAIA GAUR 1ª EDICIÓN
14:40 SORTE ON BIZKAIA
15:00 NOTICIAS LOCALIA
15:30 MAGACÍN: "CADA TARDE"
17:00 MAGACÍN: "TAQUICARDIA"
17:30 HECHO POR ELLA
18:00 TELENÓVELA: (Cap 19)
"MARIA BELEN"
19:00 MAGACÍN:
"QUEDAMOS A LAS 7"
20:00 LAS CHICAS DE ORO:
"Hasta las abuelas se ponen tristes"
20:30 BIZKAIA GAUR 2ª EDICIÓN
21:05 NOTICIAS LOCALIA
21:30 MAGACÍN:
"LO QUE QUEDA DEL DÍA"
22:30 TERTULIA ABIERTA
23:35 BIZKAIA GAUR 3ª EDICIÓN
23:45 FUTBOL ITALIANO:
"Juventus- Bolonia"
01:40 ULTIMAS NOTICIAS LOCALIA
01:50 MAGACÍN:
"LO QUE QUEDA DEL DÍA" (R)
02:45 MTV. CANAL MUSICAL

J. AGIRREAZKUENAGA

Liburuaren egileetako bat

«Liburu hau ez da inprobisautu egin, edo bat-batean egin, ikerketa bitartez eginda dago»

«Helburua da XIX. mendeko Bilboko historia aztertzea, iraultza liberalaren eta industrialaren garaia»